



Universitätsbibliothek Paderborn

Asiaticae Historiae Societatis Iesv Pars ...

Libris Qvatvor Comprehensa: Vbi praeter res gestas à Patribus Societatis Iesv in conuersione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

Bartoli, Daniello

Lvgdvni, 1670

18. Aestimatio virtutis ingens.

urn:nbn:de:hbz:466:1-10757

planè aduenis diligenter prospiciendum est hæsuris alioqui in percipienda sententia linguae huius ad naufam urbanæ, & toto cœlo à communi diuersæ. Quis enim diuinet amorem tuum, verbi causa, prætiosum, significare filiolam tuam? Tuam filiolam nisi contemptim nec dici nec accipi: estque pars de lapsu, de febri, de calamitate tua ratio. Alienum quodus adpergendum est non nulla elegantia, vel reverentia adiuncto: è contrario propria, deprimenta semper humili aliquo abiectionis epitheto. In quo nunc placet hoc tantum aduertere, tam exquisitam, & religiosam esse hanc urbanitatis obseruationem ut Sinensera ruri educatum ad nostros aulicos, aulicorum alpha, & ciuitatis magistrum existimes. Externos denique, quod mirere, tametsi præ se nihil faciant; suadente decoro, tractant honorificè, & obseruant; primas vbiique illis attribuunt, & procul aduecti longinquitatis ordine primi sedent. Hoc vero lege tam stabili constat ut nostri ex Europa Parres extorquere nunquam potuerint Sinarum cuiquam etiam nobilissimo postponi: externis deinceps, vt quisque senior assidet; annos alterius ignorans de iis interrogat, ne grandi scilicet inurbanitatis piaculo senis locum occupet iunior; solenne quippe illorum est eos præ aliis obseruare, qui possessionem huius mundi priores inierint: quare apud illos canities, & senectus primatiam obtinet honoris appellationem, nec minus colitur quam quævis alibi prærogatiua dignitatis: atque hoc fortassis pertinet illud antiquitatem raritatis quo prope insaniunt studium, haud quidem in status, & historiis iconum; sed in valis metalli cuiuslibet, artificij, & auctoris, ambitione indagandis & grandi pecuniae pondere comparandis. Vna iis pretium facit antiquitas, quanto sæculis eroa tanto pretiosius emuntur; quantum de vetusta ærugine, tantum de estimatione detraxeris; scripturas quoque manu docta pictas plurimi faciunt, sed auctoris sigillo probatas. Fumosas autem imagines veterum, virtute famaque illustrium dici non potest quantopere mirentur, in quibus nec artem, nec colores attendunt, sed ductus rudiaræ graphidæ simplices, dumtaxat ne desit figura qua archetypum ut cumque referat, quanta enim virtutem immortalitate memorie prosequantur iis spectabimus exemplis quorum foret imitatione præclare nostratisbus consultum si dignarentur Sinarum esse discipuli: vnum obiter attingo donec alias sit locus. In Prouincia Sciansiana diem obiit peregrè vir diues apud hospitem valde fidum. Defuncti thesaurum clam eundem hospes seruauit intactum, dum eius filio forte illac iter agenti restituit malens pauper & innocens viuere, quam reus & alieno diues: huic tantæ hospitis fidei ære publico templum Prouincia posuit, eiusque æterno nomini dedicauit: nempe inter Sinas, haud quaquam obscuritas sanguinis virtuti officit, sed nobilitatur potius virtutis præstantia; quin & tenuem hospitem probitatis nomine sua Prouincia tanti fecit, ut cognomentum sibi asciverit Amantis pieratem.

17.
Antiquariz
rei ardor.

18.
Æstimation
virtutis in
gens.

19.
Feminarum
virtus & ma-
trimonia.

Debetur & feminis sua laus accuratissimæ honestatis esto coactæ aut liberæ.